

CYNGOR SIR YNYS MÔN	
ADRODDIAD I:	Cyngor Sir
DYDDIAD:	12 Mai 2016
TEITL YR ADRODDIAD:	Adroddiad Blynyddol y Pwyllgorau Sgriwtini- 2015/2016
ADRODDIAD GAN :	Cynhorydd Meirion Jones (Cadeirydd y Pwyllgor Sgriwtini Corfforaethol) a Cynhorydd Derlwyn Hughes (Cadeirydd Pwyllgor Sgriwtini Partneriaeth ac Adfywio)
PWRPAS YR ADRODDIAD:	Adrodd ar Waith y ddau Pwyllgor Sgriwtini yn 2015/2016
SWYDDOG CYSWLLT:	Bev Symonds (Rheolwr Sgriwtini)
E-bost:	BevSymonds@ynysmon.gov.uk
Rhif Ffon:	01248 752078

1.0 ARGYMHELLION

- 1.1 Nodi a chymeradwyo Adroddiad Blynyddol y Pwyllgorau Sgriwtini 2015-2016.
- 1.2 Penodi Cadeirydd y Pwyllgor Sgriwtini Partneriaeth ac Adfywio fel “eiriolydd sgrwtini” am y cyfnod Mai 2016 i Mai 2017.

2.0 CEFNDIR

- 2.1 Mae Adroddiad Blynyddol y Pwyllgorau Sgriwtini 2015-2016 yn cynnwys y gwaith a wnaed gan y ddau bwyllgor sgrwtini rhwng cyfarfod blynyddol y cyngor ar 14 Mai 2015 a 12 Mai 2016. Drwy gydol y cyfnod hwn, mae'r pwyllgorau sgrwtini wedi bod yn ddigon ffodus i gael cyfraniadau gan aelodau a swyddogion.
- 2.2 Arweiniwyd y gwaith yn ystod y cyfnod hwn gan gadeiryddion y ddau bwyllgor sgrwtini. Mae rhaglenni gwaith y pwyllgorau sgrwtini hefyd yn cael eu cyflwyno l'r pwyllgor sgrwtini penodol a derbyn ystyriaeth bob mis gan Fforwm Cyd-lynu Cadeiryddion ac Is-Gadeiryddion Pwyllgorau Sgriwtini. Mae manylion am y materion a drafodwyd wedi eu cynnwys yn Adroddiad Blynyddol y Pwyllgorau Sgriwtini ar gyfer 2015/2016 sydd ynghlwm.
- 2.3 Ar 14 Mai 2015 penderfynodd y Cyngor i benodi gadeirydd y Pwyllgor Sgriwtini Corfforaethol fel “eiriolydd sgrwtini” am y cyfnod Mai 2015 i Mai 2016 a Chadeirydd y Pwyllgor Sgriwtini Partneriaeth ac Adfywio am y cyfnod Mai 2016 i Mai 2017. Wedyn, bydd rôl yr “eiriolydd sgrwtini” yn newid bob yn ail blwyddyn rhwng dau gadeirydd y pwyllgorau sgrwtini.
- 2.4 Nid oes tâl ar gyfer y rôl “eiriolydd sgrwtini. Rôl yr eiriolydd sgrwtini yw:
- Hyrwyddo'r swyddogaeth sgrwtini y tu mewn a'r tu allan i'r cyngor
 - Cefnogi datblygiad parhaus sgrwtini yn y cyngor.

Atodiad:

Adroddiad Blynyddol y Pwyllgorau Sgriwtini- 2015/2016

CYNGOR SIR YNYS MÔN

PWYLLGORAU SGRIWTINI

ADRODDIAD BLYNYDDOL 2015-2016



CYNGOR SIR
YNYS MÔN
ISLE OF ANGLESEY
COUNTY COUNCIL

CYNNWYS

Adroddiad Blynyddol Pwyllgorau Sgrwtini Cyngor Sir Ynys Môn 2015-2016	
	Rhagair
1.	Beth yw trosolwg a sgrwtini
2.	Perfformiad sgrwtini
3.	Ffocws y Pwyllgor Sgrwtini Corfforaethol
4.	Aelodaeth y Pwyllgor Sgrwtini Corfforaethol
5.	Rhaglen Waith y Pwyllgor Sgrwtini Corfforaethol
6.	Ffocws y Pwyllgor Sgrwtini Partneriaeth ac Adfywio
7.	Aelodaeth y Pwyllgor Sgrwtini Partneriaeth ac Adfywio
8.	Rhaglen Waith y Pwyllgor Sgrwtini Partneriaeth ac Adfywio)
9.	Paneli Canlyniad Sgrwtini
10.	Edrych Ymlaen at 2016-2017
11.	Cysylltu â Sgrwtini
Atodiad 1 Darn o'r "Adroddiad Y Comisiwn ar Lywodraethu a Darparu Gwasanaethau Cyhoeddus" dyddiedig Ionawr 2014. (fe'i adwaenir hefyd "Adroddiad Williams"). Argymhellion 31-33.	

Rhagair

Cyngorydd R Meirion Jones

- Cadeirydd Pwyllgor Sgriwtini Corfforaethol 2015-16
- Eiriolydd Sgriwtini 2015-2016



Mae Sgriwtini wedi parhau i berfformio'n dda yn 2015/16 mewn amgylchiadau herio iawn ac mae wedi parhau i ddatblygu. Roedd hi'n flwyddyn arall o adeiladau ar brofiadau'r ddwy flynedd flaenorol a pharhau i hyrwyddo sgriwtini, a gwneud gwahaniaeth ac ychwanegu gwerth.

Roedd Sgriwtini'n medru parhau gyda'i brif waith o ganolbwytio ar berfformiad y cyngor, darpariaeth gwasanaethau, cyflawni amcanion corfforaethol a rhai gwasanaethau a chyflawni gwelliant parhaus. Fe wnaeth adolygu a sgriwteiddio penderfyniadau a wnaed neu gamau gweithredu eraill a roddwyd ar waith wrth gyflawni swyddogaethau'r Cyngor gan y Pwyllgor Gwaith neu fel arall. Bu llawer o alw ar sgriwtini ac mae wedi perfformio'n dda o dan bwysau gydag adnoddau cyfyngedig.

Gellir gweld dros amser bod newid diwylliant wedi digwydd. Mae'r swyddogion a'r aelodau Sgriwtini wedi gweithio'n galed ac wedi cyfrannu'n uniongyrchol at fod yng nghanol y broses sgriwtini o herio polisi ac ymarfer a meddwl am syniadau newydd a gyrru gwelliant. Mae'r rheini sydd ynghlwm â Sgriwtini wedi ymddwyn yn gyfrifol ac yn adeiladol fel ffrindiau beirniadol i gefnogi'r rheini sy'n gwneud penderfyniadau, a blaenoriaethau ac amcanion y Cyngor, ond hefyd wrth sgriwteiddio a chwestiynu pan fo raid.

Un datblygiad penodol oedd gwneud mwy o ddefnydd o Banelau Canlyniad Sgriwtini. Fe wnaed llawer iawn o waith effeithiol yn y modd hwn ac mae'r adroddiad yn crynhoi manylion am y Panelau, y cyfarfodydd a gynhaliwyd a'r gwaith a wnaed. Rwy'n arbennig o ddiolchgar am y gwaith a wnaed gan y panelau hyn.

Mae sesiwn frifio anffurfiol hefyd wedi dod yn rhan reolaidd o baratoi at y Pwyllgor Sgriwtini Corfforaethol llawn. Teimla'r aelodau fod eu gwaith yn fwy effeithiol ar ôl sesiynau brifio o'r fath.

Mae cyfarfodydd o Fforwm y Cadeiryddion ac Is-gadeiryddion wedi bod yn digwydd yn rheolaidd ac maent yn cyfrannu'n llwyddiannus at effeithlonrwydd ac effeithiolrwydd sgriwtini a'i ddau bwyllgor.

Yn yr adroddiad y llynedd fe gyfeiriais at Adroddiad Williams, ac fe wnaef hynny eto (Atodiad) gan fod y geiriau a'r argymhellion ynghlwm â sgriwtini yn bwysig ar hyn o bryd, a byddant yr un mor bwysig pan fydd y cwestiwn ynghylch ad-drefnu llywodraeth leol yn cael ei ystyried unwaith eto.

Hoffwn gymryd y cyfle hwn i ddiolch i'r holl swyddogion ac aelodau hynny sydd wedi cyfrannu at waith sgriwtini yn ystod y flwyddyn. Er efallai nad yw'r geiriau hyn o ddiolch yn llawer,

maent yn ddiffuant a gwerthfawrogir pob cyfraniad.

Yn gywir,

R Meirion Jones (Cadeirydd y Pwyllgor Sgriwtini Corfforaethol a'r Hyrwyddwr Sgriwtini)

Cynghorydd Derlwyn Hughes

•Cadeirydd Pwyllgor Sgrwtini Partneriaeth ac Adfywio 2015-16



Roedd 2015/2016 yn flwyddyn lwyddiannus o gyfnerthu unwaith eto ar gyfer sgrwtini yn Ynys Môn. Llwyddwyd i adeiladu ar y profiad a'r arferion da a fireiniwyd dros y 3 blynedd diwethaf i siapio sut yr aethom ati i adolygu a herio polisïau a phenderfyniadau a wnaed gan y Pwyllgor Gwaith.

Mae'n parhau i fod yn hanfodol bwysig fod Sgrwtini yn dal i gyfrannu'n gadarnhaol i gefnogi'r gwaith o gyflawni blaenoriaethau'r ynys drwy ei rôl fel ffrind beirniadol, trwy ei gyfraniad at wneud penderfyniadau a thrwy ei swyddogaeth unigryw o ddod â'r cyhoedd, partneriaid ac aelodau etholedig at ei gilydd i ymchwilio i faterion yn fanylach a darparu atebion.

Wrth i ni barhau i lywio ein ffordd drwy'r cyfnod hwn o galedi ariannol mae wedi dod yn gynyddol bwysig ein bod yn canolbwyntio ein hadnoddau Sgrwtini ar y meysydd sydd bwysicaf i'r cyhoedd ac ar faterion lle teimlwn y gallwn ni helpu'r Cyngor i weithio'n graffach ac yn fwy effeithlon.

'Rwyf wedi pwysleisio bob amser ei bod yn bwysig i'r Pwyllgorau Sgrwtini gadw meddwl agored a beirniadol, a hynny er mwyn cynnig beirniadaeth mewn ffordd adeiladol a rhoi clod diffuant lle bo'n briodol.

Mae'r adroddiad canlynol yn cynnwys amlinelliad o elfennau allweddol y rhaglen o waith sgrwtini ar gyfer 2015/2016, gan dynnu sylw at ehangder y cylch gorchwyl ac amrywiaeth a maint y gwaith. Rwy'n gobeithio y byddwch yn teimlo ei fod yn ddiddorol ac yn llawn gwybodaeth ac y byddwch yn cyflwyno sylwadau, cwestiynau neu gynigion ar gyfer adolygiadau yn y dyfodol.

Hoffwn ddiolch i'r nifer fawr o aelodau, swyddogion a chynrychiolwyr allanol y mae eu cyfraniadau ystyriol, eu hamynedd a'u brwdfrydedd wedi bod yn amhrisiadwy trwy gydol y flwyddyn. Heb eu cymorth nhw ni fyddai gan sgrwtini lais a byddai ein prosesau ar gyfer gwneud penderfyniadau yn llai atebol, yn llai cynhwysol a chymaint â hynny'n wannach."

Wrth edrych ymlaen at 2016/2017, rydym yn gobeithio parhau â'r gwaith da a wnaed gan sgrwtini dros y flwyddyn ddiwethaf o ran ymgysylltu â chymunedau a grwpiau preswylwyr wrth i ni geisio ehangu gorwelion sgrwtini ymhellach ac annog cyfranogiad yn y broses sgrwtini.

Yr gywir,

Derlwyn Rees Hughes (Cadeirydd Pwyllgor Sgrwtini Partneriaeth ac Adfywio)

1. BETH YW TROSOLWG A SGRIWTINI

- 1.1 Mae Pwyllgorau Sgriwtini yn rhan o'r ffordd y mae llywodraeth leol yng Nghymru yn gweithredu. Ynghyd â sefydlu Pwyllgor Gwaith a chanddo bwerau i wneud penderfyniadau, bu'n rhaid, yn unol â Deddf Llywodraeth Leol 2000, sefydlu un neu ragor o Bwyllgorau Sgriwtini i ddal y sawl sy'n gwneud penderfyniadau yn atebol, i yrru gwelliant ac i chwarae rôl o ran cynorthwyo i ddatblygu ac adolygu polisi.
- 1.2 Yng Nghyngor Sir Ynys Môn, bu dau Pwyllgor Sgriwtini yn ymwneud â'r swyddogaeth sgriwtini yn 2015-2016.
- Pwyllgor Sgriwtini Corfforaethol
 - Pwyllgor Sgriwtini Partneriaeth ac Adfywio
- 1.3 I scirhau bod swyddogaeth sgriwtini yn Cyngor Sir Ynys Mon yn gweithio'n effeithiol mae'r Ganolfan Sgriwtini Cyhoeddus¹ wedi rhoi ymlaen pedair egwyddor allweddol. Yn marn y Ganolfan ei barn, dylai sgriwtini :
1. Darparu sialens "cyfaill beirniadol" i wneuthurwyr polisi a rhai sy'n gwneud penderfyniadau.
 2. Sicrhau i llais a phryderon y cyhoedd a'i gymunedau yn cael clywed.
 3. Yn gael ei wneud gan "lywodraethwyr annibynnol eu meddwl" sy'n arwain ac s'yn berchen ar y broses sgriwtini.
 4. Gyrru gwelliant mewn gwasanaethau cyhoeddus.
- 1.4 Gall y Pwyllgor Sgriwtini wneud ei waith mewn un o'r ffyrdd canlynol:
- Ystyried pwnc yn ystod cyfarfod ffurfiol.
 - Ystyried pwnc dros gyfnod hwy o amser trwy sefydlu Panel Adolygiad Sgriwtini.
 - Cynnal sesiynau anffurfiol ar faes penodol.
 - Ymweld â safleoedd.

¹ "Good Scrutiny Guide", Llundain, Canolfan am Sgriwtini Cyhoeddus, 2004.

2. PERFFORMIAD SGRIWTINI

- 2.1 Prif nod Adroddiad Blynyddol Sgriwtini yw rhoi gwybod am yr hyn y mae'r Pwyllgorau Sgriwtini wedi bod yn ei wneud yn y flwyddyn sirol. Mae cyfnod y flwyddyn sirol yn rhedeg lle rhwng cyfarfodydd blynyddol y cyngor mis Mai. Mae'r adroddiad yma yn cynnwys crynodeb o'r hyn y mae'r ddau pwyllgor wedi ei ystyried rhwng Mai 2015 a Mai 2016.
- 2.2 Mae'n rhaid i bob Cyngor yng Nghymru ddarparu gwasanaethau yn erbyn cefndir o ostyngiad mewn gwariant cyhoeddus. Yn ogystal, mae'r amgylchedd ariannol cyffredinol ar yr Ynys yn anodd ac mae gan sgriwtini rôl bwysig i'w chwarae i wella effeithlonrwydd gwasanaethau ac o ran sut mae'r Cyngor yn gweithredu.
- 2.3 Er mwyn mesur ei gyfraniad mae gan Sgriwtini gyfres eang o ddangosyddion perfformio chwarterol y gellir eu defnyddio i gymharu cynnydd o un chwarter i'r llall. Mae rhestr o'r holl ddangosyddion ar gael o'r Uned Sgriwtini ond mae'r tabl isod yn amlygu dau ddangosydd allweddol ar gyfer 2015/16:











Teitl y Dangosydd (2014-2015)	Targed (Ch) – Chwarterol (B) – Blynyddol	Ch. 1	Ch. 2	Ch. 3	Ch. 4	Diwedd Blwyddyn
% presenoldeb Aelodau Pwyllgor ac Aelodau Portffolio yn y Pwyllgorau Sgriwtini	80% (Ch)	80%	83% ↑	84% ↑	76% ↓	81%
Y % o argymhellion y Pwyllgor Sgriwtini a gymeradwywyd gan y Pwyllgor Gwaith.	90% (Ch)	100%	100% ↔	67% ↓	90% ↑	89%

- 2.4 Er mwyn cynorthwyo gyda pherfformiad sgriwtini penderfynodd y cyngor, ar 29 Medi 2015, i ddiweddarau cylch gorchwyl y pwyllgorau sgriwtini er mwyn galluogi'r ddau i drosglwyddo ein baich gwaith rhwng y naill a'r llall pan mae pwysau gwaith yn gofyn am hyblygrwydd. Yn ychwanegol, eglurwyd mai rôl y Pwyllgor Sgriwtini Corfforaethol yw monitro'r gyllideb a sgriwtineiddio'r Gyllideb Flynyddol ddrafft. Bydd ffocws y pwyllgorau sgriwtini yn parhau fel o'r blaen ond mae'r hyblygrwydd ychwanegol a'r eglurder a roddir i'r pwyllgorau sgriwtini gan y cyngor yn cael ei groesawu.

3. Ffocws y Pwyllgor Sgrwtini Corfforaethol

Bydd gwaith y Pwyllgor yn canolbwyntio ar roi sicrwydd ynglŷn â pherfformiad /darpariaeth yr holl wasanaethau, sicrhau bod y Cyngor yn cyflawni ei amcanion corfforaethol a'i amcanion gwasanaeth (fel yr amlinellwyd yn ei Gynllun Busnes Corfforaethol, Cyllideb Flynyddol, Fframwaith Cyllideb a Pholisi, Fframwaith Rheoli Perfformiad, Polisiâu Corfforaethol neu gynlluniau a pholisiâu sy'n eu holynu) ac i gefnogi a gwneud argymhellion ar gyfer gwelliant parhaol.

4. Aelodaeth y Pwyllgor 2015-16

	Enw	Ward	Parti Gwleidyddol /Grwp		Enw	Ward	Parti Gwleidyddol /Grwp
	Cyng. R Meirion Jones (Cadeirydd)	Aethwy	Plaid Cymru		Cyng Gwilym Jones (Vice Chair)	Llifon	Annibynnol
	Cyng Raymond Jones	Caergybi	Annibynnol		Cyng Jim Evans	Aethwy	Annibynnol
	Cyng Victor Hughes	Bro Rhosyr	Annibynnol		Cyng Lewis Davies	Seiriol	Plaid Cymru
	Cyng Ann Griffith	Bro Aberffraw	Plaid Cymru		Cyng Llinos Medi Huws	Talybolion	Plaid Cymru
	Cyng R Llewelyn Jones	Caergybi	Heb ymuno		Cyng Peter Rogers	Bro Aberffraw	Grwp Chwyldroad

5. Rhaglen Waith y Pwyllgor (2015/2016)

Cynhaliwyd 14 cyfarfod o'r Pwyllgor Sgriwtini Corfforaethol.

Rhaglen Waith y Pwyllgor Sgriwtini Corfforaethol 2015/16	
Dyddiad Pwyllgor	Eitem a ystyrwyd
14 Mai 2015	Ethol Cadeirydd ar gyfer Pwyllgor Sgriwtini Corfforaethol
	Ethol Is-Gadeirydd ar gyfer Pwyllgor Sgriwtini Corfforaethol
10 Mehefin 2015	Diweddariad y Cadeirydd ac Aelodau
	Monitro Perfformiad –Cerdyn Sgorio Corfforaethol Chw 4 2014/2015
	Monitro'r Gyllideb – Canlyniad y Gyllideb Corfforaethol 2014/2015
	Monitro'r Gyllideb – Canlyniad Dros Dro y Gyllideb Refeniw 2014/2015
	Mynychu Cynhadledd ar 27 Mawrth 2015
	Rhaglen Waith
6 Gorffennaf 2015	Diweddariad y Cadeirydd ac Aelodau
	Enwebiad I'r Panel Rhiantu Corfforaethol
	Trefniadau'r Awdurdod Lleil I gefnogi Diogelu Plant
	Monitro Perfformiad – cerdyn Sgorffwrdd Corfforaethol Chw4
	Adroddiad Perfformiad Blynyddol Drafft 2014/2015
	Matrics Sgorio Strategaeth Gyfalaf 2015
	Rhaglen Waith
17 Medi 2015	Diweddariad y Cadeirydd ac Aelodau
	Adroddiad Perfformiad Blynyddol (Cynllun Gwella) 2014/2015
	Monitro Perfformiad – Cerdyn Sgorio Corfforaethol Chw 1 2015/2016
	Monitro'r Gyllideb- Y Gyllideb Gyfalaf Chwarter 1 2015/2016
	Monitro'r Gyllideb- Y Gyllideb Refeniw Chwarter1 2015/2016

	Cynllun Ymgynhori: Cyllideb 2016/2017
	Moderneiddo Ysgolion – Ymgynhoriad ffurfiol Ardaloedd Bro Rhosyr a Bro Aberffraw
	Paneli Canlyniad Sgriwtini- Datganiad o'r Sefyllfa
	Rhaglen Waith
16 Tachwedd 2015	Enwebiad I Fwrdd Rhaglen Trawsnewid Gwasanaethau Plant
	Cyllideb Refeniw Drafft 2016/2017
	Bidiau Cyfalaf 2016 /2017
1 Rhagfyr 2015	Diweddariad y Cadeirydd ac Aelodau
	Monitro Perfformiad-Y Cerdyn Sgorio Corfforaethol Chw 2 2015/2016
	Monitro Perfformiad – Rheoli Pobl
	Monitro'r Gyllideb-Y Gyllideb Refeniw Chw2 2015/2016
	Monitro'r Gyllideb- Y Gyllideb Cyfalaf Chw2 2015/2016
	Adroddiad Perfformiad Blynyddol Llyfrgelloedd 2014/2015
	Gwerthusiad Perfformiad Blynyddol AGGCC o'r Gwasanethau Cymdeithasol 014/2015
	Adolygiad Achos Penodol yn y Gwasanaethau Plant
	Panel Canlyniad Sgriwtini – Gwaredu Asedau
	Rhaglen Waith
1 Chwefror 2016	Diweddariad y Cadeirydd a'r Is-Gadeirydd
	Gosod Cyllideb 2016/2017- Refeniw a Chyfalaf
	Panel Canlyniad Sgriwtini:Arbedion Effeithlonrwydd 2015/2016
	Gwasanaeth Iechyd Meddwl Cymunedol
	Sicrhau Gwasanethau Cynaliadwy ac Effeithlon ar Gyfer y Dyfodol: Trawsnewid Llyfrgelloedd
	Adroddiad Blynyddol ar Berfformiad Ysgolion Mon
	Rhaglen Gwaith
	Datganiad Sefyllfa: Paneli Canlyniad Sgriwtini
14 Mawrth 2016	Monitro'r Gyllideb: Y Gyllideb Refeniw Ch3 2015/2016
	Monitro'r Gyllideb: Y Gyllideb Gyfalaf Ch3 2015/2016










	Monitro Perfformiad: Cerdyn Sgorio Corfforaethol Ch3 2015/2016
	Monitro Perfformiad: Y Cofrestr Risg Corfforaethol
	Rhaglen Waith
11 Ebrill 2016	Trawsnewid y Gwasanaeth Anableddau Dysgu
	Dogfen Gyflawni Flynyddol
	Panel Canlyniad Sgriwtini-Rheoli Dyledion
	Paneli Canlyniad Sgriwtini -Diweddariad

6. Ffocws y Pwyllgor Sgrïwtini Parrtneriaeth ac Adfywio

Bydd gwaith y Pwyllgor yn canolbwyntio ar sicrhau bod buddiannau dinasyddion Ynys Môn yn cael eu hyrwyddo a bod blaenoriaethau ac adnoddau'r Cyngor yn cael eu hadlewyrchu yn llesol yn y partneriaethau, y cydweithio, y gweithio ar y cyd â threfniadau asiantaeth allanol, fel fydd yn bodoli o bryd i'w gilydd. Bydd Cylch Gorchwyl y Pwyllgor yn ymestyn i drefniadau lleol, rhanbarthol a chenedlaethol a bydd yn cynnwys (ond heb fod wedi ei gyfyngu i'r meysydd lle mae gan y Cyngor ddyletswydd statudol mewn materion trosedd ac anhrefn. Yn ychwanegol at hyn, mae cylch gorchwyl y Pwyllgor yn ymestyn i faterion yn ymwneud ag adfywio a'r cysyniad "Ynys Fenter" (neu gynlluniau a pholisïau fydd yn eu holynu).

7. Aelodaeth y Pwyllgor 2015-2016

Mae'r Pwyllgor yn cynnwys 10 Aelod .

Enw			Parti	Enw			Parti
Enw	Ward	Gwleidyddol/G rwp	Gwleidyddol/G rwp	Enw	Ward	Gwleidyddol /Grwp	Gwleidyddol /Grwp
 Cyng. Derlwyn R Hughes (Cadeirydd)	Lligwy	Annibynol		 Cyng. Alun Mummery (Vice Chair)	Aethwy	Plaid Cymru	
 Cyng. William T Hughes	Twrcelyn	Annibynol		 Cyng. Richard Owen Jones	Twrcelyn	Annibynol	
 Cyng. Dafydd Rhys Thomas	Ynys Cybi	Annibynol		 Cyng. John Griffith	Talybolion	Plaid Cymru	
 Cyng. Carwyn Jones	Seiriol	Plaid Cymru		 Cyng. Dylan Rees	Canolbarth Mon	Plaid Cymru	
 Cyng. Robert Llewelyn Jones	Caergybi	Heb Ymuno		1			
				Sedd Wag			

8. Rhaglen Waith y Pwyllgor (2015/16)

Cynhaliwyd 7 cyfarfod o'r Pwyllgor Sgrwtini Partneriaeth ac Adfywio.

Rhaglen Waith y Pwyllgor Sgrwtini Partneriaeth ac Adfywio 2015/16	
Dyddiad y Pwyllgor	Eitem a Ystyrwyd
14 Mai 2015	Ethol Cadeirydd ar gyfer y Pwyllgor Sgrwtini Partneriaeth ac Adfywio
	Ethol Is-Gadeirydd ar gyfer y Pwyllgor Sgrwtini Partneriaeth ac Adfywio
15 Medi 2015	Enwebu Aelod I'r Panel Rhiant Corfforaethol
	Adolygiad Blynyddol o Bartneriaeth dai Ynys Mon
	Diweddariad Blynyddol- trefniadau Diogelu ar gyfer Oedolion Bregus ym Mon
	Adroddiad Blynyddol –“ Gwrando ar Gwynion a Dysgu Oddi Wrthynt”
	Paneli Canlyniad Sgrwtini- Diweddariad
	Diweddariad ar drefniadau Arfaethedig y Bwrdd Gwasanethau Lleol ar y Cyd
	Cyhoeddiadau gan y cadeirydd neu'r Is-Gadeiryddion
	Rhaglen Waith
12 Tachwedd 2015	Gwerthuso Opsiynau ar gyfer Casglu Gwastraff
	Gwasanaeth Monitro galwadau Rhanbarthol Gogledd Cymru (Galw Gofal/ Care Connect)
	Enwebiad i Fwrdd Rhaglen Trawsnewid Gwasanaethau Plant
17 Tachwedd 2015	Bwrdd Iechyd Prifysgol Betsi Cadwaladr
	Gwasanaeth Tân ac Achub Gogledd Cymru
	Rhaglen Waith

2 Chwefror 2016	Sicrhau Gwasanaethau Cynladwy ac Effeithlon i'r Dyfodol : Trawsnewid y Gwasanaeth Ieuencid
	Asesiad Anghenion Llety Sipsiwn a Theithwyr Ynys Môn a Gwynedd 2016
	Grŵp Adolygu Cynnydd Ysgolion - Diweddariad
	Tîm Ymgysylltu Rhanbarthol – Trefniadau at y Dyfodol
	Diweddariad gan y Cadeirydd a'r Is-Gadeirydd
	Rhaglen Waith
12 Ebrill 2016	Dogfen Polisi Partneriaeth a Rôl Sgrwtini o ran Monitro'r Partneriaethau
	Cymunedau'n Gyntaf
	Diweddariad gan y Cadeirydd a'r Is-Gadeirydd
	Rhaglen Waith

9. PANELI CANLYNIAD SGRIWTINI

9.1 Yn ystod y flwyddyn ddinesig, cwblhaodd 4 o Baneli Canlyniad Sgriwtini eu gwaith ar y materion a adolygwyd a chyflwynwyd adroddiadau arnynt. Ni chafodd yr un o'r argymhellion yn yr adroddiadau terfynol eu gwrthod.

Mae 2 o Baneli Canlyniad Sgriwtini eraill ar y gweill, mae eu gwaith yn parhau yn flynyddol.

Panel Canlyniad Sgriwtini: Gwaredu Asedau (Statws: wedi cwblhau ei waith)

Aelodaeth y Panel:

Y Cyngorwyr: R Meirion Jones (Cadeirydd), Llinos Medi Huws, Jim Evans a Raymond Jones.

Crynodeb:

Ar 1 Medi, 2014 cyflwynwyd adroddiad ar fonitro'r gyllideb, gan y Pennaeth Adnoddau a'r Swyddog Adran 151 Dros Dro i'r Pwyllgor Sgriwtini Corfforaethol. Oherwydd pryderon a godwyd am y broses o werthu asedau a chyflymder y gwaith hwnnw, penderfynodd y Pwyllgor sefydlu panel i edrych ar y dull o gael gwared ar y portffolio mân-ddaliadau ac asedau eraill.

Casglwyd gwybodaeth o amrywiaeth o ddogfennau polisi a'u dilysu gan swyddogion sy'n gweithio yn y maes gwaredu asedau.

Cyfarfu'r Panel ar 9 achlysur. Cafodd adroddiad terfynol y panel ei anfon ymlaen at y Pwyllgor Gwaith ar 14 Rhagfyr, 2015 a chafodd ei gymeradwyo'n llawn. Mae'r adroddiad yn cynnwys 6 o brif gasgliadau'r a 24 o argymhellion canlyniadol.

Panel Canlyniad Sgriwtini: Arbedion Effeithlonrwydd 2015-2016 (Statws: wedi cwblhau ei waith)

Aelodaeth y Panel:

Y Cyngorwyr: R Meirion Jones (Cadeirydd), Llinos Medi Huws a'r Cyngorydd Victor Hughes.

Crynodeb:

Ar 20 Ebrill, 2015, wrth ystyried adroddiad cychwynnol y "Panel Canlyniad Sgriwtini: Arbedion Effeithlonrwydd 2014-2015", cytunodd y Pwyllgor Gwaith y dylai'r panel barhau i fonitro gweithrediad y targedau arbedion a nodwyd gan wasanaethau ar gyfer 2015-16.

Parhaodd y Panel â'i waith yn 2015-2016, gan ganolbwyntio ar gynnydd y cyngor o ran cyflawni targedau effeithlonrwydd 2015-2016. Wrth ymgymryd â'i dasg, rhoes y panel sylw manwl i daenlen arbedion ariannol pob adran a holwyd swyddogion perthnasol er mwyn gweld sut mae'r sefyllfa'n datblygu.

Cyfarfu'r Panel ar 8 achlysur. Cafodd adroddiad terfynol y panel ei anfon ymlaen at y Pwyllgor Gwaith ar 14 Rhagfyr, 2015 a chafodd ei gymeradwyo'n llawn. Mae'r adroddiad yn cynnwys 5 o brif gasgliadau'r a 7 o argymhellion canlyniadol.

Panel Canlyniad Sgrwtini: Rheoli Dyledion (Statws: wedi cwblhau ei waith)

Aelodaeth y Panel:

Y Cyngorwyr: R Meirion Jones (Cadeirydd), Jim Evans a Robert Llewelyn Jones

Crynodeb:

Ar 24 Mawrth, 2015 cyflwynodd y Pennaeth Adnoddau a'r Swyddog Adran 151 Dros Dro adroddiad i'r Pwyllgor Sgrwtini Corfforaethol a oedd yn cynnwys dyledion o dros £5,000 i'w dileu. Roedd y Pwyllgor yn bryderus ynghylch y swm oedd i'w dileu a phenderfynodd sefydlu panel i edrych ar y broses a'r gweithdrefnau mewn perthynas â dileu dyledion ynghyd â threfniadau ehangach i reoli dyledion yn y cyngor.

Wrth ymgymryd â'i dasg, rhoes y Panel sylw i bolisi presennol y Cyngor mewn perthynas â dileu dyledion a sut yr oedd yn cael ei weithredu gan wahanol wasanaethau. Gwnaed ymholiadau hefyd gyda chynghorau eraill yng Ngogledd Cymru o ran sut y maent yn delio â'r mater hwn.

Cyfarfu'r Panel ar 6 achlysur. Cafodd adroddiad terfynol y panel ei anfon ymlaen at y Pwyllgor Gwaith ar 25 Ebrill, 2015 a chafodd ei gymeradwyo.

Panel Canlyniad Sgrwtini: Adolygiad o Achos Penodol yn y Gwasanaethau Plant (Statws: wedi cwblhau ei waith)

Aelodaeth y Panel:

Y Cyngorwyr: Gwilym Jones (Cadeirydd), y Cyngorydd Llinos Medi Huws a'r Cyngorydd Lewis Davies.

Crynodeb:

Yn gynnar yn 2015, cytunodd y Pwyllgor Sgrwtini Corfforaethol i sefydlu panel i sgrwtineiddio ymateb y gwasanaethau cymdeithasol i faterion a oedd yn codi yn sgil ymwneud y gwasanaethau ag achos plentyn penodol. Y nod oedd ceisio sicrwydd bod yr adolygiad achos dilynol wedi cael ei gynnal yn drylwyr, yn ddiduedd a bod y gwasanaeth wedi ymateb yn briodol.

Wrth ymgymryd â'r dasg, cymerodd y panel i ystyriaeth y cynnydd a wnaed yn erbyn y cynllun gweithredu ac adroddiad cynnydd a baratowyd ar y mater er sylw'r: Cyfarwyddwr Gwasanaethau Cymdeithasol, Panel Rhianta Corfforaethol, Arolygiaeth Gofal a Gwasanaethau Cymdeithasol Cymru a Barnwr 'Cylchdaith'. Rhoddwyd i'r Panel hefyd enghreifftiau o arfer dda ochr yn ochr â rhai meysydd lle gallai arferion wella.

O'r wybodaeth a ddarparwyd, daeth y panel i'r casgliad bod y gwasanaethau cymdeithasol wedi nodi gwersi sydd angen eu dysgu a'u bod wedi cymryd camau. Ar 1 Rhagfyr 2015, cafodd adroddiad ar ran y panel i'r perwyl hwnnw, ei gyflwyno i'r Pwyllgor Sgrwtini Corfforaethol a nodwyd nad oedd angen cymryd unrhyw gamau pellach bryd hynny.

Panel Canlyniad Sgrwtini: Grŵp Adolygu Cynnydd Ysgolion (Statws: gwaith yn parhau)

Aelodaeth y Panel:

Y Cyngorwyr: Derlwyn Hughes, Alun Mummery, Dylan Rees, Richard Owen Jones, R Meirion Jones, Gwilym Jones, Lewis Davies a Jim Evans.

(DS caiff aelod o'r Panel ei ethol i gadeirio ym mhob cyfarfod).

Crynodeb:

Sefydlwyd y Grŵp Adolygu Cynnydd Ysgolion ar 21 Tachwedd, 2012 gan y cyn Bwyllgor Sgrwtini Addysg a Hamdden. Cododd yn sgil argymhellion a wnaed gan Estyn ar ansawdd y gwasanaethau addysg ar gyfer plant a phobl ifanc yn Ynys Môn. Nod y grŵp yw cynorthwyo'r gwasanaeth addysg i wella perfformiad ysgolion ar yr Ynys, drwy gynyddu a datblygu atebolrwydd lleol ar gyfer perfformiad ysgolion a gwella gwybodaeth aelodau lleol am yrwyd perfformiad allweddol a'r heriau sy'n wynebu ysgolion yn Ynys Môn.

Gyda sefydlu strwythur newydd ar gyfer pwyllgorau sgrwtini yn ystod mis Mai 2013, cytunwyd y byddai aelodau'r Pwyllgor Sgrwtini Corfforaethol a'r Pwyllgor Sgrwtini Partneriaethau ac Adfywio yn parhau gyda gwaith y Grŵp Adolygu Cynnydd Ysgolion ond ei ddynodi'n Banel Canlyniad Sgrwtini. Mae'r panel yn monitro cynnydd ysgolion unigol i ddysgu oddi wrth ysgolion sy'n perfformio'n dda ac, os oes angen, yn gwneud argymhellion i'r Adran Dysgu Gydol Oes y gallai ysgol efallai fod angen cefnogaeth ychwanegol gan y gwasanaeth addysg a / neu'r gwasanaeth gwella ysgolion rhanbarthol a elwir yn " Gwe ".

Yn ystod 2015, cyfarfu'r panel ar 9 achlysur a gwelodd 8 o ysgolion. Cyflwynwyd adroddiad ar waith y panel i'r Pwyllgor Sgrwtini Partneriaethau ac Adfywio ar 2 Chwefror 2016 a chymeradwywyd rhestr o ysgolion y byddir yn eu gweld yn 2016.

Panel Canlyniad Sgrwtini: Sgrwtineiddio ar y Cyd y Bwrdd Gwasanaeth Cyhoeddus (Statws: gwaith yn parhau)

Aelodaeth y Panel: Mae'r Pwyllgor Sgrwtini Partneriaethau ac Adfywio wedi ethol Cadeirydd ac Is-Gadeirydd y Pwyllgor ynghyd â'r Cyngorydd John Griffith. Yn ogystal, penodwyd y Cyngorydd Dylan Rees yn ddirprwy.

Crynodeb: Ar 14 Ionawr, 2015, cytunodd y Pwyllgor Sgrwtini Partneriaethau ac Adfywio i sefydlu Panel i Sgrwtineiddio ar y Cyd y Bwrdd Gwasanaethau Lleol ar gyfer Ynys Môn a Gwynedd.

Yn ystod mis Ebrill 2016, cafodd y Bwrdd Gwasanaethau Lleol ei ddisodli gan y Bwrdd Gwasanaethau Cyhoeddus Statudol (BGC) ac mae gwaith yn mynd rhagddo i ymwreiddio'n gadarn y sefydliad newydd. Nod y panel yw darparu her "cyfaill beirniadol" i'r BGC ac i fynd ati i hyrwyddo gwelliant wrth ddatblygu a gweithredu prosiectau i fynd i'r afael â'r blaenoriaethau a gytunwyd gan y BGC (yn hytrach na rhai sefydliadau unigol a gynrychiolir ar y BGC). Bydd angen cytuno a gweithredu ar raglen waith ar gyfer y BGC am gyfnod cyn y gellir ei sgrwtineiddio'n ymarferol. Yn ogystal, mae angen datblygu trefniadau hyfforddi a llywodraethiant ar gyfer y Panel.

10. EDRYCH YMLAEN AT 2016-2017

- 10.1 Mewn llywodraeth leol a'r gwasanaethau cyhoeddus rydym yn dal i wynebu heriau ariannol a heriau o ran y galw am wasanaethau i raddau na welwyd mo'u tebyg o'r blaen. Mae'r arbedion y mae'n rhaid i ni eu gwneud yn anferthol ac mae'n rhaid i ni drawsnewid gwasanaethau, gwneud penderfyniadau anodd ynghylch blaenoriaethau, a chyflwyno ffyrdd newydd o weithio er mwyn bod yn fwy effeithlon ac effeithlon gydag adnoddau sy'n prinhau.
- 10.2 Mae sgrwtini yn chwarae rhan fawr yng nghyswllt profi syniadau a chynigion am drawsnewid, a'u rhoi ar waith. Mae ein swyddogaeth Sgrwtini gyfredol yn cynnig her iach a chefnogaeth i'r Pwyllgor Gwaith o ran y penderfyniadau mae'n eu gwneud. Mae digonedd o enghreifftiau lle mae'r sawl sy'n gwneud penderfyniadau a'r sgrwtineiddwyr wedi gweithio gyda'i gilydd dros y flwyddyn ddiwethaf.
- 10.3 Fodd bynnag, wrth edrych ymlaen at y flwyddyn nesaf (2016-17) bydd angen i ni adnewyddu ac ail-fireinio ein swyddogaeth Sgrwtini o fewn ein capasiti is, wrth gefnogi a dylanwadu ar raglenni sefydliadol a rhaglenni newid gwasanaeth y Cyngor. Daw disgwyliadau arnom yn sgil y rôl estynedig hon. Bydd angen i Sgrwtini weithio'n gyflym a rhannu'r awch i newid gyda'r Pwyllgor Gwaith a'r Uwch Dîm Arweinyddiaeth. Ni fydd modd gorffwys rhag gwneud y penderfyniadau mawr dros y ddwy flynedd nesaf.
- 10.4 Wrth adnewyddu ein swyddogaeth Sgrwtini bydd angen i ni barhau i fabwysiadu syniadau o'r ddogfen 'Nodweddion Trosolwg a Chraffu Effeithiol' a roddwyd ynghyd gan swyddogion sgrwtini trwy Gymru gyfan, gan weithio gyda'r Ganolfan Graffu Gyhoeddus a Swyddfa Archwilio Cymru, a'u cymhwyso i'n dysg ein hunain.
- 10.5 Mae Awdurdodau eraill eisoes wedi ailfodelu eu Pwyllgorau Sgrwtini i wynebu'r heriau a ddaw yn sgil y Ddeddf Llywodraeth Leol Cymru newydd sy'n dod i rym ac etholiadau'r Cynulliad sydd ar y gweill. Mae'r pwyllgorau'n cael eu gwahodd a'u herio i wneud cyfraniad mwy byth, gydag adroddiadau sy'n llai goddefol, ac i gynllunio ymlaen llaw am raglenni mwy perthnasol sy'n adlewyrchu'r heriau a wynebwn.
- 10.6 Bydd hi'n gyfrifoldeb i'r holl aelodau a swyddogion sicrhau bod unrhyw fodel newydd yn gweithio'n dda ac i Sgrwtini helpu i dywys y Cyngor trwy'r heriau sydd o'i flaen. Mae angen i ni symleiddio presenoldeb Aelodau'r Pwyllgor Gwaith ac uwch swyddogion a chydbwysu'r llwyth gwaith rhwng ein pwyllgorau. Mae'n rhaid i Sgrwtini fedru cydbwysu sgrwtini manwl gyda throsolwg sy'n defnyddio mwy o ddychymyg.

11. CYSYLLTU SGRIWTINI

- 11.1 Mae sylwadau a syniadau sefydliadau cyhoeddus a sefydliadau eraill sydd â diddordeb mewn pwnc dan sylw yn werthfawr i sicrhau sgriwitini effeithiol.
- 11.2 Mae arferion gorau o ran Sgriwitini fel arfer yn golygu bod rhaid i Aelodau weithio gyda phobl a sefydliadau lleol er mwyn darparu gwasanaethau sy'n effeithiol ac yn ymatebol.
- 11.3 Bydd Pwyllgorau Sgriwitini yn cyfarfod yn gyhoeddus (ac eithrio mewn amgylchiadau lle mae angen trafod materion cyfrinachol) a bydd dyddiadau lleoliad y cyfarfodydd a'r blaenraglenni gwaith ar gael ar wefan y Cyngor yn [Sgriwitini](#)
- 11.4 Yn ogystal, gellir gwahodd partneriaid ac asiantaethau allanol i fynychu Pwyllgorau Sgriwitini fel y gall y Pwyllgor mofyn eu sylwadau a'u barn ar faterion sy'n cael effaith ar y modd y darperir yr amcanion corfforaethol.
- 11.5 I ddysgu mwy am Sgriwitini yn Ynys Môn neu i roi eich sylwadau, cysylltwch os gwelwch yn dda gyda'r Tîm Sgriwitini yn:

Tîm Sgriwitini
Cyngor Sir Ynys Môn
Swyddfeydd y Cyngor
Llangefni.
Ynys Môn.
LL77 7TW

Sgriwitini@ynysmon.gov.uk

Bev Symonds	Rheolydd Sgriwitini yn gyfrifol am: - Prif Swyddog Cefnogi'r Pwyllgor Sgriwitini Corfforaethol	(01248) 752078 bsxce@ynysmon.gov.uk
Geraint Wyn Roberts	Swyddog Sgriwitini yn gyfrifol am: - Prif Swyddog Cefnogi'r Pwyllgor Sgriwitini Partneriaeth ac Adfywio	(01248) 752039 gwrce@ynysmon.gov.uk

Atodiad 1- Darn o'r "Adroddiad Y Comisiwn ar Lywodraethu a Darparu Gwasanaethau Cyhoeddus" dyddiedig Ionawr 2014. (adnabod hefyd fel " Adroddiad Williams").

Rhestr o Argymhellion 31-33

Sgriwtini

31. Rhaid cydnabod a rhoi blaenoriaeth i bwysigrwydd, statws a gwerth gwaith craffu, a'i gynnal a'i atgyfnerthu'n barhaus. Er mwyn cefnogi hyn:

- Rhaid i bob aelod etholedig, aelod annibynnol o fwrdd iechyd, cyfarwyddwr anweithredol, a swyddog, gydnabod pwysigrwydd a gwerth gwaith craffu wrth wella gwasanaethau i bobl a sefydliadau yng Nghymru. Rhaid arddel a diogelu annibyniaeth gwaith craffu yn gadarn, yn ogystal â'i natur adeiladol a chadarnhaol;
- Yn yr un modd, rhaid i aelodau gweithredol, cyfarwyddwyr anweithredol, a swyddogion, gydnabod gwerth gwaith craffu wrth eu helpu i ddarparu gwasanaethau'n well. Rhaid iddynt roi cyhoeddusrwydd i'w penderfyniadau a'u hegluro'n glir, a gwahodd gwaith craffu arnynt, gan gynnwys craffu cyn y caiff penderfyniadau eu gwneud, mewn modd parod ac agored. Rhaid iddynt hefyd gydnabod ac ymateb i adroddiadau craffu yn brydlon ac yn ddidwyll;
- Fel rhan o'r ymdrech i godi statws a phroffil gwaith craffu, ac ymgysylltu â dinasyddion, rhaid sicrhau bod allbynnau a chanlyniadau gwaith craffu llywodraeth leol yn fwy gweladwy.

32. Rhaid i sefydliadau ystyried craffu fel buddsoddiad i sicrhau gwelliannau ac arbedion yn y dyfodol. Rhaid iddynt felly neilltuo'r adnoddau a'r cymorth priodol ar gyfer gwaith craffu:

- Rhaid i awdurdodau lleol sicrhau bod cymorth priodol ar gael, ar lefel swyddogion, i ddatblygu cynlluniau craffu cydgysylltiedig, nodi bylchau mewn arbenigedd o fewn y pwyllgorau a rhoi gwybodaeth gymesur a dealladwy i aelodau'r pwyllgorau. Yn yr un modd, rhaid i sefydliadau eraill sicrhau bod yr adnoddau craffu yn ddigonol er mwyn cyflawni swyddogaeth graffu effeithiol.
- Rhaid i holl aelodau a chadeiryddion pwyllgorau craffu llywodraeth leol gael hyfforddiant gorfodol. Rhaid i hyfforddiant cyfwerth hefyd fod yn orfodol i aelodau cynghorau iechyd cymuned sy'n cyflawni rolau craffu, aelodau awdurdodau tân ac achub, ac eraill sy'n gyfrifol am graffu ffurfiol. Dylid rhoi hyfforddiant cyfwerth i aelodau anweithredol neu aelodau annibynnol hefyd, i'w helpu i gyflawni eu rôl o ddwyn eu tîm gweithredol i gyfrif;
- Rhaid i sefydliadau fabwysiadu ymagwedd "arfer gorau" at graffu yn hytrach na gwneud dim ond yr hyn sy'n ofynnol. Rhaid i'r canlyniadau a'r nodweddion craffu sy'n cael eu paratoi gan y Ganolfan Craffu Cyhoeddus gael eu datblygu mewn trafodaeth â sefydliadau eraill yn y sector cyhoeddus. Unwaith y cytunir iddynt, rhaid i bob sefydliad eu mabwysiadu o fewn chwe mis.

33. Rhaid i bwyllgorau craffu llywodraeth leol a chyrrff craffu ffurfiol eraill ymgysylltu'n fwy effeithiol â'r cyhoedd a phartneriaid. Dylai hynny gynnwys cyfethol unigolion o grwpiau eirioli a grwpiau eraill ar bwyllgorau craffu er mwyn cynyddu capasiti a gallu pwyllgorau o'r fath i gyflawni gwaith craffu adeiladol a hyddysg.